

廣大寶樓閣善住祕密陀羅尼經卷下

唐三藏法師菩提流志奉詔譯

手印品第十二

爾時世尊知衆渴仰作印之法便爲說言若持呪者應淨洗浴著鮮潔衣以五種牛淨物用護其身復以塗香遍拭其體以白檀香塗其掌復以鬱金香再塗其上以五色呪索而繫其臂或於佛前舍利塔前面東向坐居寂靜處發慈悲心念根本呪隨心呪心呪亦復如是常以香華供養諸佛於執金剛觀世音曼殊師利彌勒菩薩等亦應如是供養禮十方諸佛賢聖作如是啓請曰

第一稽首十方過去未來見在一切諸佛及諸菩薩我今盡皆禮足尊重供養便說呪曰唵牟尼摩尼一嚩嚩上鉢嚩離土義麁四

耶三鉢迢迷<sub>四</sub>摩摩尼鉢嚩離摩尼<sub>五</sub>莎訶此呪名結蓮華坐呪一切佛菩薩天神坐華上誦此呪結之

印相以二手於中合掌今如合蓮華相印復開頭中指無名指二大小指頭相拄如大開敷蓮華形誦前呪次第布於壇中請聖坐之前之十五道皆在此用然後結印作法

第二普光寶清淨如來心印法<sub>梵云</sub>  
第六  
三  
鉢  
汝  
婆

誦此呪已便作手印先以右手拇指與頭指柱餘三指展之次以左手展其頭指屈其拇指餘三指壓之二手聚於心上在於佛前寂靜而住威儀齊整應以慈眼觀於衆生身不動搖安然禪定誦印呪曰

唵薩婆怛他伽多耶一摩尼涉縛邏尼<sub>二</sub>阿  
吠瑟吒耶<sub>三</sub>吽<sub>四</sub>呼<sub>五</sub>熾<sub>六</sub>勿

誦此呪兼手印已即得一切如來心印成就  
獲福德身若有善男子善女人以七寶滿三千大千世界及以衣服塗香抹香雜華瓔珞  
幢旛華蓋供養無量百千萬億恒河沙微塵等數諸佛世尊所得功德可思量不甚多世  
尊不可思量佛言若有善男子善女人誦此陀羅尼呪及作印法滿一遍者所獲福德百  
千萬倍多前功德非諸如來以佛智力格量能盡若誦持一遍猶得如是無量功德況復如法作壇若有心念地獄餓鬼傍生惡趣諸苦惱者彼等衆生悉蒙解脫得生極樂世界親見一切諸佛如來此印是普光寶清淨如來心印即爲六十四恒河沙那庾他百千萬諸佛菩薩攝受誦持之者與諸菩薩得爲眷屬一切諸天常來擁護四天大王之所侍衛

吉祥天女辯才天女飼棄尼天女日夜利益作比印時諸有藥叉羅刹欲來惱者皆自馳散如不去者頭破作七分若有刀仗傷者病瘦困者業命盡者得見比印壽命增長無諸疾苦持一切呪者若見此印呪則成就所有壇法亦速成就若有百千萬億手印之法此印成已彼印即成諸佛如來悉爲授記決定當得無上菩提若法成時三十三天所有宮殿皆自震動諸天歡喜潛相扶衛辯才色力皆自增長有大威德衆人恭敬所出言詞聞者生信具宿命智一切世論自然明了命終之後生蓮華臺相好端嚴由印力故速證菩提若欲作印當潔身淨服龍腦檀麝塗兩手然後恭敬作之

一切如來普光大寶會秘密印法

梵名波羅摩尼

第三一切如來加護心印呪

佛言應舒右臂仰置右膝上以拇指捻中指  
甲上以左手仰橫心上以拇指壓無名指中  
指甲上舒頭指及小指發慈悲心開目而住

專誠念佛誦此呪曰

唵薩婆怛他伽多一毘三菩壇娜<sub>二覺義</sub>跋闍

黎<sub>三吽</sub>吽<sub>四</sub>

作此印呪法已即得一切如來之所護念唱  
言善哉舒手摩頂猶如赤子所有業障悉皆  
散滅菩薩諸天恭敬擁護藥叉惡鬼不能侵  
欺見此印已悉生慈悲心自然調伏誦此呪  
時諸見聞者皆生佛想若男女人得見受  
持讀誦此印呪者彼人已爲親見六十二那  
庾他百千萬俱胝諸佛如來等無異也決定

無疑所有餘法如上所說一切願者皆得圓  
滿若念六趣衆生一遍作此印呪法彼諸衆  
生無足二足四足多足皆得解脫來生決定  
成正等覺一切諸天常來擁護若欲令一切  
壇場法成就者亦速成就

第四一切如來瓔珞印法

佛言我今說瓔珞手印法應以兩手返掌於  
外互以中指無名指相鉤各拳其拇指結跏  
趺坐以印當臍傾身向右豎其兩肩清目而  
觀心念諸佛發慈悲心欲結印時先稱唵字  
交腕相鉤時稱吽吽聲印竟云泮吒復誦後  
印呪誦此呪曰

唵迦嵐一迦爛者<sub>二</sub>吽迦爛拂<sub>三</sub>迦爛者<sub>四</sub>

又一呪

唵吽吽泮

此呪印能加護菩提道場加護轉大法輪加護佛菩提樹今不動搖如須彌山如來護念此人皆爲授記身心清淨內外明徹猶如日光寶珠解脫煩惱積聚功德其作手印之處即是舍利之塔此地當有諸佛成道當有無量衆生蒙如來記若惡鬼神來此地者皆自退走若有得見此印呪者滅無量罪不入八大地獄所有善願速即圓滿成就一切壇場印法重說呪曰

唵薩婆怛他伽他鉢囉合答比羅迦囉摩尼鉢

尼鉢

第五一切諸佛心印法  
唵薩婆怛他伽多一地瑟咤那<sub>建立</sub><sup>建</sup>摩尼摩尼吽吽拏<sub>三</sub>

繫心念佛不令散動誦持此呪二十一遍即說呪曰  
唵薩婆怛他伽他鉢囉合答比羅迦囉摩尼鉢  
結此呪者即爲得入十方一切諸佛法藏等無有異亦爲已入於一切諸佛曼陀羅即爲攝一切諸佛眷屬如是百千劫來重罪惡業消滅蕩盡無餘亦如已作十方諸佛壇印一等若爲十方所有一切作障難者若魔惡龍比怛野迦等如被呪師踏頭無異其諸魔等如被火燒十方一切諸族種類所作障難呪師但當以念佛心結此印者是諸種族悉以胷膺著地求哀飯命當是之時其諸族等見印聞呪而更蒙益捨其惡心獲大福聚

第六一切如來師子座印法

佛言我說一切如來師子座印此印呪在如

來加護心印呪上名安慰如來印呪法應結

跏趺坐於心前作印如金剛鋒屈右手頭指與右手拇指相拄左手亦然復合兩手令兩中指頭相拄今兩小指相交至於掌中各舒

兩無名指以帛覆手曲躬向前令印柱地及兩膝上印所觸地皆爲金剛比是一切如來

金剛座印一切天魔惡鬼神等不能惱害自

來降伏大龍國主咸來恭敬諸佛如來常加

護念以佛神力嚴飾清淨此金剛座若有作

此金剛座印者則爲施與無量恒河沙諸佛

如來金剛座已若爲地獄餓鬼畜生阿素羅作此印者彼諸衆生皆速解脫當得清淨金

剛之身即說呪曰

唵薩婆呪他伽多一鉢囉縛羅摩尼二戶噠

指黎三吽吽泮

第七一切如來成大寶灌頂印法

佛言我今說一切如來成大寶灌頂印法應先合掌然後開左右頭指復以左右中指與左右無名指頭兩兩相拄復屈其左右拇指

壓左右小指甲上柱拇指中節即結跏趺坐

頂戴手印誦呪曰

唵薩婆呪他伽多一毘布邏廣三婆鞞<sub>生義</sub>

吽吽

若有善男子善女人作此印呪法已即得八

十億恒河沙微塵數諸佛如來以佛神力而

爲灌頂與其授記成就一切曼荼羅印法獲

無量無邊不可思議功德無量金剛菩薩及

諸明仙亦來灌頂一切天龍藥叉乾闥婆阿修羅迦樓羅緊那羅摩曇羅伽及四天王皆

來灌頂於明仙中爲最上轉輪王於諸如來  
爲灌頂取尊子得入如來祕密會中若欲隱  
其形質一切怨家不善知識及天龍藥叉諸  
鬼神等皆不得見如觀虛空其持呪人能往  
十方一切世界於諸如來前以大神變化作  
七寶供具香華衣服兩寶冠蓋如垂天雲而  
以供養由呪印力故成就如是殊勝功德故  
名此印名達摩羯羅阿地瑟旦摩訶母姪羅  
阿世伽母達嚩南

第八一切如來降伏熾然大魔軍智炬轉法  
輪神變加護印法

佛言我今說如來降伏熾然大魔軍智炬轉  
法輪神變加護印法先屈右手頭指柱大指  
頭側節舒三指而掩心次屈左手大指於掌  
中微拳四指如蓮華葉以左大指柱右大指

結跏趺坐興慈悲心安住寂靜然後乃作此  
印已則能轉大法輪當此之時三千大千世  
界決定六種震動諸佛菩薩皆以慈眼觀持  
呪人大力金剛神虛空明仙常來隨從四天  
神王在四面立而爲擁護晝夜侍衛若轉法  
輪時一切如來而爲加護摧滅魔軍無諸障  
礙其持呪人能見世轉法輪坐菩提道場衆  
所尊重其有功德亦如諸佛菩薩轉大法輪  
身清淨心清淨憐愍一切衆生然後作此呪  
印作此法時先顰其兩眉合其口齊其上下  
齒觀如來實相心念轉法輪作此法已能破  
一切魔王及諸障礙者能然大法炬建大法  
幢擊大法鼓鳴大法<sub>聚能</sub>師子大吼增長功  
德即當與八十億恒河沙諸小呪力等無有  
異一切諸佛讚言善哉并爲授記呪曰

唵薩婆呾他伽多一三摩耶二摩尼跋社嚩

三呰呰四

第九得勝印法

梵名阿波羅  
至多母達羅

佛言我今說勝印法應以右手頭指柱大拇指頭側舒餘三指左手亦然後復以左手重於右手上當於臍上面作贖相自觀已身以右脚安左髀上令右脚拇指柱地以眼斜顧誦呪作印作是法已即能降伏一切魔軍而得強勝摧諸毘那夜迦能隱其形一切有情及諸藥叉羅刹等不能得見一切怨敵不能爲害能破一切地獄餓鬼傍生等苦離諸惡業及貪瞋癡其作法人獲福如是於一切處常得尊勝所作事業永無障難離諸病苦速得菩提十方諸天皆爲擁護即說呪曰

唵薩婆呾他揭多一達摩駛都二摩訶摩尼三誠法梨四曷囉曷囉呰呰拂五

多跋闍梨三呰呰

第十如來輪印法

此名一切諸佛轉輪聖王  
達羅亦是十方一切諸

佛母  
達羅

佛言我今說如來印法應先拳其右手四指壓拇指上然後微拳左手似握物相覆重右手向上面向下按之此名如來印法一切如來悉皆隨喜作是印已如恒河沙百千萬俱胝如來咸皆歡喜令受持者所有上願悉皆成就恒見諸佛轉大法輪得仙人圍繞一切呪法及手印壇法恒得現前十方諸天晝夜

擁護即說呪曰

唵薩婆呾他伽多一達摩駛都二摩訶摩尼

三誠法梨四曷囉曷囉呰呰拂五

重呪曰

唵薩婆呾他揭多一社耶微社耶二阿尗

吽

一切如來寶三末耶金剛母印

元闍

第十一金剛手菩薩印

佛言我今說轉輪王印法應以右手拇指與

無名指相拄左手亦然復以右手中指與左

手中指相鉤復以右手頭指與左手頭指相

柱仍舒其左右小指右肘遍稍舉上左肘遍

稍垂下恒看左肘展其左腳以右腳安左腳

上作怒目瞋相銜其下脅喉中發聲云吽心

念執金剛神并誦其呪作此法已三十三天

所有諸天皆悉戰懼宮殿震動藥叉羅刹及

鬼神毒龍毘那夜迦等皆悉伏面於地口稱

救護沒滅消散執金剛神常爲喜悅所願成

就獲福無量便得爲明仙主其作法時香湯

沐浴著鮮淨衣以香塗身一切如來共觀此

印壇場之中所有諸神皆大歡悅呪曰

唵薩婆呬他伽多一摩訶跋闍羅二阿婆合

閻獸囉駁囉我義吽吽拂

第十二真多摩尼金剛菩薩呪

佛言印同前唯開其二手頭指不相拄結跏

趺坐以印當心發大慈悲淨目瞻視心專念

呪口出善言所願成就執金剛菩薩甚大歡

喜護念如此呪曰

唵杜盧杜盧一摩尼摩尼二摩訶摩尼費柱

丁庚多摩尼三薩婆訥

第十三四天王印呪

佛言應以右手叉腰舉其頭指以左手小指

壓其拇指豎餘三指安於牘上其持呪人應

作瞋相注睛而視誦呪曰

唵噓迦一波剎低二社耶社耶吽三

金六

二十一

第十四吉祥天女印法

梵云施羅  
地緋印

佛言應先舒其兩臂然後合其兩手掌相著並二大指相去一寸許微曲二頭指如鉤以三餘指兩兩相擬如蓮華形作此法時心所樂者皆如願即說呪曰

唵毘摩羅一孽筏底二三婆羅三吽四

第十五餉棄尼印法

佛言舉其左手微拳四指舒右頭指覆其左手置左膝上作怒目相稍稍前曲身誦此呪曰

唵礪瑟里尼一味薩羅吽

第十六大笑女使者印法

佛言舒舉左手臂臂肘及肩向上斜努掩兩頰間復低右手掩左手引頸向前微曲其

身誦呪曰

唵阿竭你摩耶一恒地囉聞遮吒二阿薩尼

信你三吽

第十七住壇諸神等印法

佛言我今說住壇諸神等法仰交兩腕以十指相鉤掩於脣上立地以右腳踏左腳橫向左斜踏上誦此呪曰

唵三漫多迦羅達義一鉢里布囉尼圓滿二駄迦

駄迦吽拂三

第十八蓮華印法

佛言我今當說蓮華齒天女印法應微拳左手掌相著作蓮華相以近左耳上然後漸漸印向下近於心左而住誦此呪曰

唵婆婆羅羅一比薩羅吽二

比蓮華印壇中所有一切畫蓮華者皆以此印印柱華上有著瓶者亦印瓶上

念六

二十一

第十九根本印法

爾時執金剛菩薩白佛言世尊云何根本印云何心印云何隨心印唯願世尊爲我演說佛言根本印者以右手頭指與拇指相拄以頭指甲掐大指甲側左手亦爾二手合掌當心然後稍屈左右中指令兩頭相拄復展左右無名指亦令兩相拄各舒左右小指作此印時應誦上說根本呪作此印呪請四天王即得速來最勝擁護

第二十心印法

佛言心印者以右手拇指與無名指相拄餘三指掩於心上復以左手拇指與小指柱舒餘三指覆膝上指面向下平直展之名爲安慰手當說如上所說心呪

第二十一隨心印法

佛言隨心印者以右手拇指與無名指相拄舒餘三指仰安膝上復以左手拇指與小指相捏舒餘三指以掩於心又右手大指捻無名指端仰橫當心展舒三指左手仰於左膝上屈拇指一節餘悉展之作此印已所願者速得成就一切惡業自然消滅此印能成無上正覺若復有人隨所在處結是三印當知此地如有佛塔全身舍利持是法者十方一切諸天護世四天王應當供養如來舍利塔等無有異也一一印法所有功德說無窮盡作一法時則得以諸香華幡蓋塗香牀香衣服瓔珞雨諸七寶百味飲食湯藥卧具供養無量無邊恒沙諸佛便與如來同一法會得佛授記讚言善哉諸佛如來皆來問訊慈眼視之執金剛菩薩四天王等與其眷屬晝夜

衛護當知此地則爲是塔若有衆生住此地

者決定當得不退轉位是故執金剛菩薩若

善男子善女人苾芻苾芻尼優婆塞優婆夷

應生尊重心常讚誦受持書寫供養獲福無

量成就諸戒成就大精進大忍辱成就大禪

定成就大檀那成就大智慧成就洪流功德

成就六波羅密若有得此陀羅尼呪印壇場

法者獲福如是佛說是經已一切大衆皆大

歡喜信受奉行

廣大寶樓閣善住秘密陀羅尼經卷下

音釋

杭	古行切	稻	力玉切	𦵹	耳切	里	施	女切	綺	繖
之不黏者	稊豆名	櫟	切	櫟	切	施	女	綺	繖	繖
側叢切										
眉攢也	𦵹色角	切	追	直	垂	方	六	轂	古	祿
𦵹文紡	盧戈切	鉢	切	直	垂	方	六	轂	古	祿
𦵹切	昆賓切	麌	切	麌	切	麌	神夜切	齋	西	前
切與	擗眉也	孽魚	切	孽魚	切	孽魚	神夜切	齋	西	前
臍同	擗眉也	石湯	切	石湯	切	石湯	浪嬌奴買切			

捐  
苦治切  
爪刺也

卷六

三